



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

## *Komunikadu Imprensa*

04 Outubru 2012

### **Tribunál Distritál Baucau kondena prizaun tinan 10 ba kazu abuzu seksuál**

Iha 04 Outobru 2012 Tribunál Distritál Baucau hala'o julgamentu ho ajenda leitura akordaun ba kazu krime abuzu seksuál ne'ebé julga ho Númeru Prosesu: 21/Crm.C/2012/TDB. Kazu ne'e involve arguidu Inocencio L. Guterres hasoru vítima Ana Maria Viana ne'ebé hanesan arguidu nia aluna, ne'ebé akontese iha 28 Setembru 2010, iha Suku Samalari, Sub-distritu Baguia, Distritu Baucau.

Leitura akordaun prejide husi juiz singular Dr. José Gonsalves, Ministériu Públiku representa husi Dra. Benvinda da Costa do Rosario no arguidu hetan defeza husi Dr. Grigorio de Lima husi Eskritoriu Defensória Públiku.

*JSMP simu ho haksolok ba pena ne'ebé tribunál aplika ba arguidu, tanbá pena ne'e refléta duni aktu ne'ebé arguidu komete no ne'e sai hanesan lisaun ida atu ema hotu konsenti no iha futuru labele komete aktu hanesan,* dehan Luis de Olivera Sampaio, Diretór Ezekutivu JSMP.

Ministériu Públiku akuza arguidu nu'udar autór material ba krime abuzu seksuál ba menór ne'ebé preve iha artigu: 177 Kódigu Penál hasoru vítima. Iha audensia julgamentu tribunál konvensidu katak arguidu provadú komete krime abuzu seksual hasoru vítima.

Iha akuzaun haktuir katak 28 Setembru 2010 kalan, arguidu ba iha vítima nia fatin, kolu tiha vítima nia ropa, ameasa vítima no ho forsa no violensia obriga vítima atu halo relasaun seksual ho arguidu. Mezmu nune'e iha julgamentu arguidu nega total faktu ne'ebé akuza ba nia.

Depoide avaliasaun ba provas no sirkunstansia asociadu husi kazu ne'e, ikus mai tribunál konklui no aplika pena prizaun tinan 10 ba arguidu.

Atu hetan informasaun kle'an, favor kontaktu:

Luis de Oliveira Sampaio

Director ezekutivu JSMP

Email: [luis@jsmp.minihub.org](mailto:luis@jsmp.minihub.org)

Landline: +670 3323883 ka +670 7295795